



Broj: 01/3-50-1-29-15/04  
Sarajevo, 11. oktobra 2004. godine

**Z A P I S N I K**  
**sa 15. sjednice Komisije za vanjsku trgovinu i carine**  
**Predstavničkog doma Parlamentarne skupštine BiH,**  
**održane 11. oktobra 2004. godine**

Sjednica je počela u 10:30.

Sjednicom je predsjedavao Petar Kunić, predsjedavajući Komisije.

Sjednici su prisustvovali: Fatima Leho, Marija Perkanović, Filip Andrić, Mladen Potočnik, Azra Hadžiahmetović, Nikola Kragulj i Ibrahim Đedović.

Opravdano odsustvovao Izet Hadžić.

Sjednici su prisustvovali ispred predlagača i obrađivača zakona: Miroљjub Krunić, pomoćnik ministra Ministarstva finansija i trezora, Biljana Tabaković, šef Odjeljenja - Odsjeka za odnose s domaćim finansijskim institucijama, Lamija Kozarić, generalni direktor Agencije za izdavanje garancija od političkog i ratnog rizika i Emira Češljar sekretar Komisije.

Za sjednicu Komisije je predložen i jednoglasno usvojen sljedeći

**D N E V N I R E D**

1. Usvajanje Zapisnika sa 14. sjednice Komisije
2. Razmatranje Prijedlog zakona o osnivanju Izvozno-kreditne agancije Bosne i Hercegovini sa amandmanima
3. Utvrđivanje prijedloga za davanje autentičnog tumačenja člana 29. stav 2. Zakona o slobodnim zonama u Bosni i Hercegovini d.o.o.Slobodnoj zoni Visoko
4. Tekuća pitanja.

**Ad-1**

Na Zapisnik 14. sjednice Komisije Marija Perkanović imala je primjedbu na rezultate glasanja kod tačke 3. o principima Pijedloga zakona o izmjenam a i dopunama Zakona o Vanjskotrgovinskoj komori Bosne i Hercegovine. Umjesto «jednoglasno» navesti «sa 1. glasom za i 3 glasa protiv».

Zapisnik 14. sjednice usvojen je jednoglasno je sa primjedbom Marije Perkanović.

**Ad-2****Razmatranje Prijedloga zakona o osnivanju Izvozno-kreditne agencije Bosne i Hercegovine sa amandmanima**

U uvodnim napomenama predsjedavajući Komisije podsjetio je prisutne da je Komisija na 14. sjednici nakon obavljene opšte rasprave i načelne rasprave o pojedinostima jednoglasno podržala principe predloženog Zakona i da za ovu sjednicu zatraženo od predlagača zakona dostavljanje dodatnih informacija na osnovu zaključka prethodne sjednice komisije, kako bi se mogla nastaviti rasprava o amandmanima.

Članovi Komisije Mladen Potočnik i Fatima Leho, izrazili su zahvalnost IGA –i za dostavljene informacije koje su veoma stručno obrađene, uz konstataciju da podržavaju donošenje Zakona što su podržali i ostali članovi Komisije.

Predsjedavajući se zahvalio predlagaču Zakona na dostavljenom izjašnjenju o predloženim amandmanima poslanika Joze Križanovića i Momčila Novakovića, i istakao da na član 4. Zakona predlaže amandman dodavanjem novog st. 5. i 6.

Nakon iscrpne rasprave o **Amandmanu 1. Momčila Novakovića** u kojoj su učestvovali svi prisutni članovi amandman sa 3 glasa «protiv», 2 «za» i 2 «uzdržana» glasa nije usvojen.

Međutim, u toku rasprave predloženo je, uz saglasnost predlagača i obrađivača Zakona, kompromisno rješenje predlaganjem amandmana **Nikole Kragulja** koji glasi:

**Amandman I  
Nikole Kragulja**

**U članu 4. iza stava 1. dodaje se novi stav 1a. koji glasi:**

«Osnivač IGA-e je Bosna i Hercegovina sa entitetima koji obezbjeđuju početni kapital srazmjerno iznosu iskorištenih kreditnih sredstava Svjetske banke i sredstava donatora po Projektu hitnog pokretanja industrije i Projektu podrške izvoznim preduzećima u vremenu njihove implementacije zaključno sa 31. decembrom 2004. godine».

Amandman je sa 4 glasa » za » ,2 » protiv» i 2 uzdržana glasa usvojen.

**Amandman II  
Petra Kunića**

**U članu 4. iza stava 4. dodaju se novi stav 5. i stav 6. koji glase:**

5. «Zapošljavanje i unapređenje profesionalne karijere zaposlenih u Izvozno-kreditnoj agenciji zasniva se na javnom konkursu i profesionalnoj sposobnosti, a u skladu sa Pravilnikom o unutarašnjoj organizaciji i sistematizaciji radnih mjesta Agencije».

Amandman je sa 6 glasova «za» i 1 «uzdržanim i 1 glasom «protiv» usvojen.

6. «Struktura zaposlenih u Agenciji okvirno odražava nacionalnu strukturu stanovništva Bosne i Hercegovine prema posljednjem popisu».

Amandman je sa 7 glasova «za» i 1 «uzdržanim» glasom usvojen.

**Amandman 1. Joze Križanovića na član 5. stav 2. sa 6 glasova «protiv» i 1 «uzdržanim» glasom nije usvojen.**

Amandman 2. na **član 5. stav 1.** Momčila Novakovića sa 1. glasom «za» 4 «protiv» i 3 «uzdržana» glasa nije usvojen.

Amandman 3 Momčila Novakovića na **član 6. stav 1.b)** sa 1 glasom «za» 4 «protiv» i 3 «uzdržana» glasa nije usvojen.

Amandman na član 6. stav 2.a) sa 1 glasom «za» 5 «protiv» 1 «uzdržanim» glasom nije usvojen a na stav 2c) sa 1 glasom «za» 5 «protiv» i 2 «uzdržana» glasa nije usvojen.

### **Amandman III**

**Momčila Novakovića na stava 1.b) člana 6. koji glasi:**

**u drugoj alineji** brisati riječi » za izvršenje», a između riječi «kreditiranje» i «građevinskih» dodati riječi: »domaćih preduzeća radi izvođenja» i preostali dio teksta nastavlja se.

Amandman je sa 7 glasova »za «i 1 «uzdržanim» glasom usvojen.

**U članu 6. stav 1. b) između prve i treće alineje** dodaje se nova alineja koja glasi:

- **«kratkoročno i dugoročno finansiranje pripreme i izvršenja izvoza;»**

-

Amandman je jednoglasno usvojen.

Amandman 4. Momčila Novakovića na **član 7.** sa 1 glasom «za», 3 «protiv» i 4 «uzdržana» glasa nije usvojen.

Amandman 5. Momčila Novakovića na **član 8.** sa 1 glasom «za», 6 «protiv» i 1 «uzdržanim» glasom nije usvojen.

Amandman 6. Momčila Novakovića na **član 13. stav 1.a) 1. c) i 1 g)** sa 1 glasom « za « 4 " protiv» i 3» uzdržana» nisu usvojeni.

### **Amandman IV**

**Momčila Novakovića**

Stav 1. d) i e) člana 13. mijenja se i glase:

**“d) na prijedlog direktora i zamjenika direktora donosi godišnji finansijski plan i plan rada IGA-e i usvaja godišnji finansijski izvještaj i izvještaj o radu; “**

**U istom članu u stavu 1. e) na kraju teksta brisati “tačku zarez” i dodati riječi: ” ukoliko nije drugačije propisano zakonima ili propisima BiH;**

Amandman jednoglasno usvojen.

### **Amandma V**

**Joze Križanovića amandman 2 glasi:**

**Stav 2. tačka a) člana 17.** mijenja se i glasi:

**”predlaže Upravnom odboru sva opća akta, pravila, upute i sl., koja odobrava i donosi Upravni odbor;” a tačka b) briše se.**

Amandman jednoglasno usvojen.

Amandman 7. Momčila Novakovića na član 17. st. 2 e) i st. 3. i 4., sa 1 glasom «za», 4 «protiv» 3 «uzdržana» glasa nisu usvojeni.

Amandman 8. Momčila Novakovića na član 19 stav 2. kao i dodavanjem novog stava sa 1 glasom «za», 3 «protiv» i 4 «uzdržana» odnosno sa 1 glasom «za» 4 «protiv» i 3 «uzdržana» glasa nije usvojen.

Amandman 9. Momčila Novakovića na član 20. i 21. sa 3 glasa «za», 4 «protiv» i 1 «uzdržanim» nije usvojen.

Amandman 10. Momčila Novakovića na član 23. sa 1 glasom «za», 4 «protiv» i 3 «uzdražana» glasa nije usvojen.

Amandman 11. Momčila Novakovića na član 25. sa 1 glasom «za», 4 «protiv» i 3 «uzdražana» glasa nije usvojen .

Amandman 3. Jozе Križanovića je sa 8 glasova odbijen iz razloga što je u obrazloženju prijedloga Zakona navedeno da za sprovođenje Zakona nije potrebno planirati sredstva u Budžetu institucija BiH. Odredbama čl. 20. i 21. prijedloga Zakona regulisan je način raspodjela viška prihoda i pokrivanje gubitka IGA-e.

Komisija je jednoglasno prihvatila tekst Zakona sa usvojenim amandmanima i konstovala da je Zakon neophodno donijeti, te će predložiti Predstavničkom domu da usvoji Zakona o osnivanju Izvozno-kreditne agencije Bosne i Hercegovine.

Na osnovu člana 89. Poslovnika Komisija je za izvjestioca na plenarnoj sjednici imenovala predsjedavajućeg Komisije.

### Ad-3

#### **Utvrđivanje prijedloga za davanje autentičnog tumačenja člana 29. stav 2. zakona o slobodnim zonama u Bosni i Hercegovini d.o.o.Slobodnoj zoni Visoko**

Kolegij Predstavničkog doma dopisom od 22. 7. 2004. godine na osnovu člana 1.3. Zaključka o autentičnom tumačenju zakona, drugih propisa i općih akata, usvojenog 14.4.2004. godine i objavljenog u "Službenom glasniku BiH", broj 24/04, dostavlja Komisiji kao nadležnoj zahtjev sa molbom da provede proceduru u skladu sa navedenim Zaključkom.

Ustavno-pravna komisija Predstavničkog doma na 32. sjednici održanoj 27.7. 2004. godine razmatrala je zahtjev i u Izvještaju dostavljenom Komisiji 30.9. 2004. godine utvrdila da potrebno dati autentično tumačenje odredbe člana 29. stav 2. Zakona o slobodnim zonama u Bosni i Hercegovini koji glasi." **Oprema koja se uvozi u slobodnu zonu namjenjena za proizvodnju u slobodnoj zoni biće izuzeta od plaćanja carina i carinskih obaveza, isključujući carinsko evidentiranje, ukoliko drugačije nije predviđeno Zakonom o carinskoj politici Bosne i Hercegovine**".

Sekretar Komisije dala je kratko obrazloženje u vezi procedure na osnovu člana 1.5 Zaključka o autentičnom tumačenju zakona, drugih propisa i općih akata i obavezi Komisije da utvrdi prijedlog autentičnog tumačenja člana 29. stav 2. navedenog Zakona.

U raspravi su učestvovali: Fatima Leho, Mladen Potočnik, Petar Kunić, Ibrahim Đedović. Filip Andrić.

U toku rasprave odredba člana 154. u vezi sa članom 158. Zakona o carinskoj politici Bosne i Hercegovine uputila je na potrebu za dobijanje dodatnog tumačenja, radi čega je jednoglasno usvojen **z a k l j u č a k** da se:

«od Ministarstva spoljne trgovine i ekonomskih odnosa zatraži tumačenje šta znači u praksi da je: « Opremu (mašine koje su carinska roba) uvezenu u slobodnu zonu, potrebno prethodno staviti u slobodan promet, da bi mogla biti upotrijebljena za proizvodnju proizvoda odobrenih za proizvodnju u slobodnoj zoni».

#### **Ad-4**

Iako je pod tačkom tekuća pitanja bilo planirano (članovi na sjednici dobili potreban materijal upoznavanje sa:

a) Izvještajem Ustavno-pravne komisije Doma o davanju stručnog mišljenja d.o.o.»Ilić-Komerc» Stanari - Doboju spornih tarifnih brojeva iz Carinske tarife Bosne i Hercegovine,

b) Odlukom Upravnog odbora Uprave za indirektno oporezivanje koja se odnosi na Prijedlog zakona o izmjenama i dopunama Zakona o carinskoj politici Bosne i Hercegovine člana 16. stav 2, radi ranije planiranih i neodložnih obaveza određenih članova Komisije, odloženo je razmatranje navedenih materijala za narednu sjednicu Komisije.

Sjednica je završena u 12:00 sati.

Sastavni dio Zapisnika su Amandmani na Prijedloga zakona o osnivanju Izvozno-kreditne agencije Bosne i Hercegovine i transkript 15. sjednice Komisije.

Sekratar Komisije  
Emira Češljar

Predsjedavajući Komisije  
dr. Petar Kunić

**BOSNA I HERCEGOVINA**  
**ХЕРЦЕГОВИНА**  
**PARLAMENTARNA SKUPŠTINA**  
**СКУПШТИНА**  
**BOSNE I HERCEGOVINE**  
**ХЕРЦЕГОВИНЕ**  
**PREDSTAVNIČKI / ZASTUPNIČKI DOM**  
**ДОМ**

**Komisija za vanjsku trgovinu i carine**  
**трговину и царине**



**БОСНА** **И**  
**ПАРЛАМЕНТАРНА**  
**БОСНЕ** **И**  
**ПРЕДСТАВНИЧКИ**

**Комисија** **за** **спољну**